

粵雅堂叢書

粵雅堂叢書

南齋集卷四

祁門 馬曰璐 佩兮

題趙善長畫楊鐵崖吹笛圖

鐵笛一聲崖石裂，鐵笛道人冠戴鐵。
當年誰寫洞庭秋，水底蒼龍叫寒月。
小臨海歌聽未終，大雷小雷縹緲中。
道人不作水東逝，令人卻憶綏長弓。
綏長弓鑄鐵笛寒，霜盈襟清淚滴。
君不見雲閒老客婦，天子不臣諸侯不。
友七十二峯，屢招手，醉爾圖中一杯酒。

秋雲

冉冉含秋白悠悠共客閒纖微宜照水蕭淡不離山一
片落吟席數年常掩關未知相接處能壓鴈聲還

九日集平山堂以清氣澄餘滓分韻得滓字

繁英照鬢霜林陰去何駛馬馳車驟閒蕭淡尙如此雲
晴塔影出柳老鴈風起更愛隔江山同赴窗戶裏流咏
碧天高澄懷一無滓何以答良辰采香弄秋水

送翁霽堂歸里

先生抱微尙自有古人風積卷暮年惜懷才吾道窮清
言燈影裏握別鴈聲中寒日無潮信雲山有夢通

題祓江得荔圖

龍牙犀角影離離秀發端如畫省時他日炎天誰續句

露凝重摘待孫枝

初白老人酬方伯公餉署庭荔支有畫省初凝露之句見炎天冰雪集

問西唐疾

念切平生友敲門問訊頻窗虛通藥氣秋冷怯吟身以
我霜加鬢憐君病損神何時杯酒共把臂復相親

送家兄嶰谷入都

未信別離輕楊鑣入帝京乍經今遠隔翻念昔同行

謂乙巳年爲事牽連北行

嶽雪侵華髮河春管去程嘯吟知不廢終

南齊集卷四
二
羨鴈南征

同人各賦一物送家兄入都得馬鞭

誰採孤生竹一枝蠟揩光爛似琉璃從教匹馬關河遠
未怕長途驅策遲茅店夕陽遙指處凍雲衰草半籠時
不同壺酒聽驪唱祇說難堪贈路歧

送家兄渡河因留滯關口是夜仍泊清江

岸隔黃河落日懸清淮照影各華顛卻因放溜煩關吏
又得篷窗一夜眠

帆脚俄聞報北風征衫料理到裘茸一燈縱喜還相對

離緒紛紜曉馱中

家兄北行未得同渡河竚立南岸久之歸卧篷窗

悵然有作

繁霜曉岸長清話昨宵短未慣經別離握手大河滿雲
鴻南向飛北去適孤館人情怯初程襪被期共展

襪被亦暫攜莽蒼甯復佳借此一晌共慰彼千里懷如
何成獨往悵然始願乖歸吟篷窗詩離思其能裁

離思在何許掠面寒風發兄弟非少年目斷蕭蕭髮僮
僕日以親行李隔霜雪夢中如識路一水尙可越

可越不可卽所賴良友生謂汪敬亭跋馬齊魯郊歇馬燕趙
城春風天上來草木成句萌惟有向闕心能緩思鄉
情

送漁川之臨潼

執手忍言別詩愁生去程車煩蒿里曲路盡苦寒行隴
水不可聽秦雲空自橫含辛如有句那似向時情

辛未仲冬樊榭至自錢湖謝山至自甬上雨中招
集山館有懷家兄嶰谷暨于湘北上

一庭寒影暮雲閒時見飛鴻杳靄閒詞客喜從江外至

音書猶未汶陽還
長途並轡逢朝雨
孤館分燈話故山
何事翻教成悵望
從來會合感離顏

家兄寄北味并示以詩

宵來有夢憶連牀
兼味剛逢遠寄將
一幅吟箋如對面
六旬離緒轉縈腸
開槭盡上聲許兒曹索並有折簡旋邀
酒伴嘗鈴馱勞勞
何限意豈須到口始甘芳

遲樊榭不至

昨日高樓看霽雪
今朝朔吹阻吟肩
尋思山館虛欄暮
孤鶴巢松相伴眠

懷嘯齋真州江上

雪滿江天獨立時
關河冷落動離思

嘯齋有懷漁川秦中長短句

不

知若箇同攜手能唱屯田柳七詞

上元前一日集晚清軒時家兄北歸南圻歸自新

安漁川歸自臨潼

交馳南北倦行騰
激箭流光硯釋冰
行客到家春正轉
故人無恙興重乘
分無好句酬佳會
各有名山快獨登
試聽劇談忘漏永
竹窗添炷夜吟燈

壬申山館上元聯句

山館留賓作上元

馬曰琯

東風當戶月當軒

張世進

光搖積

雪晴逾豔

方士虔

影亂華燈夜轉溫

馬曰璐

到手觥船如下

埭

陳章

同聲詩句抵吹壘

閔華

流連不怕金吾禁

陸鍾輝

高會

何妨一笑喧

樓錡

問梅和嘯齋

得君相問訊不覺興飛騰
石徑清無著梅花占幾層
雲寒春動未雪老鶴過曾好
報山中事閒吟約定僧

雨宿江口

細雨自空來點點鳴篷背
一夜流水聲已飽江湖味

丹陽道中

日暮丹陽路清波照鬢斑屢遷惟斷岸相識有青山帶
雨漁舂溼耽吟客意閒春沙迎棹轉仍復幾灣環

遊慧山三首

秀色晴更幽未覺巖腹淺閒房啓松風石暈記蒼蘚僧
言竹爐好一物有晦顯流玩佛香中落梅心共遠

何以愜醒趣憩此山中泉泠泠一泓玉照影無春煙冷
翠未殊昔猶蔭瘦竹娟飲之得本性野鳥來客前

清遊已亭午不暇飯脫粟石池漾林影襟袖挹清淑泉

分澗底雲屋借峯頭綠名園勝概多流咏愁未足

虎邛上巳

虎邛山外柳拂隄虎邛山中花亂飛良辰禊飲有今日
僧房猶及看辛夷二十年前曾過此正是春風豔桃李
重來白髮怕臨流湔裙依舊當時水

晚步劒池

偶坐盤石上契此夜境空鐵花何蒼然照見春星中棲
禽隔樹杪幽夢深幾重

過明瑟園

水木名園好平生夢見之風高存往哲景淡異春時雙
槳破空靄一燈明碧池殷勤主人意延佇訝來遲

花明照苔綠橋外點沙鷗賦好看雲讀樓高聽雨留因
成三宿戀欲緩五湖遊況是青山暮都將一榻收

天平山六絕句

水石閒

突兀一拳石其色蒼而青此閒宜置我流水風泠泠

白雲泉

寒泉白於乳和雲出巖竇中有堯時天閒房閉青豆

雲磴

巨斧劈未斷何處著芒屨下有接飲猿上有孤飛鶴

蓮花洞

雲去無冬春雲來自朝暮萬古青蓮花亦有幽人住

劒削崖

陰崖類削成仄面照山魅誰歟奮一試留得金虎氣

石屋

石屋在山頂蒙龍隔巖綠線路無人爭天風落樵曲

支硎山

清晨坐竹兜心向南峯猛徑改昧支龕山輝隨鶴影莓
苔妙莊嚴幽潛發光罔或憩隱士廬或造佛髻頂雪濺
雙耳清淙流一筇冷入林雖未深幽境各爲領歸途訪
遺梅烟昏四山暝

華山

鳥道入深碧磴曲盤松雲山前轉山後酌泉脩竹根傾
梯異曩昔可以納趾痕因之凌絕頂崢嶸愁石翻御風
念霞舉超心離人羣同視上山路爐烟飄綢緼

靈巖山

雲陰隨步起引我入青嶂側聞住山僧建塔卓筆狀有

圓照塔

琴臺昔所登廿載一俯仰繡壤錯林梢巨浸隱花

當茲來勝概增膩水洗塵妄鈴語山古今曦頽峯背向
靈境難久留欲去生悵望歸卧山窗中晴翠落枕上

鄧尉山

碧瓦隔峯腋遠聞星星鐘一飽興不闌尋詩來花宮當
門蔭清樾經緯皆長松松外已無地渾浸湖光中古墓
訪昔守香雪標前峯惜哉梅花殘清氣猶霏空虛亭未
及上白銀搖冲融